



REPUBLIKA E SHQIPËRISË
BASHKIA FUSHË-ARRËZ
KËSHILLI BASHKIAK

Nr. 505 prot.

Fushë-Arrëz, më 19.02.2025

**RAPORT I VEPRIMTARISË DHE VENDIMMARRJES SË KËSHILLIT BASHKIAK
FUSHË-ARRËZ, PËR PERIUdhËN JANAR-DHJETOR 2024**

Të nderuar këshilltarë!

Këshilli Bashkiak, si organi përfaqësues dhe vendimmarrës i qeverisë bashkiake, i ushtron përgjegjësitë e tij qeverisëse, duke respektuar parimet e demokracisë vendore, transparencës qeverisëse, ligjshmërisë, duke përdorur me ekonomi, efikasitet dhe efektivitet burimet njerëzore, financiare, fizike e natyrore si dhe teknologjike të Bashkisë.

Veprimtaria e Këshillit Bashkiak mbështetet në zbatimin e detyrimeve që burojnë nga ligjet, aktet nënligjore në zbatim të tyre si dhe rregulloret e miratuara nga vetë këshilli.

Më poshtë po paraqesim disa nga aktivitetet e Këshillit Bashkiak Fushë Arrëz për vitin 2024.

Vendimmarrja

Gjatë vitit 2024 janë zhvilluar **39 (tridhjetë e nëntë)** mbledhje komisionesh me pjesëmarrjen e 15 këshilltarëve. Numri më i madh i mbledhjeve të komisioneve është ai i komisioneve të përhershme me 34 (tridhjetë e katër) mbledhje dhe 5 mbledhje për komisionet e tjera të cilat janë ngritur për probleme të bllokimit të rrugëve dhe rendit të ujit vaditës.

Për periudhën **Janar – Dhjetor 2024**, janë marrë **66 (gjashtëdhjetë e gjashtë)** vendime gjithsej në Këshillin Bashkiak Fushë Arrëz, nga të cilat për **63 (gjashtëdhjetë e tre)** vendime është shprehur pozitivisht për ligjshmërinë Institucioni i Prefektit të Qarkut Shkodër dhe **3 (tre)** janë kthyer për rishqyrtim.

Vendimet e miratura, janë 66 (gjashtëdhjetë e gjashtë).

Numrin më të madh të vendimeve e përbëjnë vendimet që kanë të bëjnë me ndihmën ekonomike nga fondi i kushtëzuar i bllok-ndihmës ekonomike deri në 6 % me rreth 18.2 %, pastaj vijnë vendimet në lidhje me buxhetin sipas fazave të programit buxhetor 2025-2027 me rreth 21.2 %. Mund të përmendim si vendime kryesore gjatë vitit të kaluar:

1. Vendimet për miratimin e programit buxhetor afatmesëm 2025-2027 sipas fazave.
2. Vendimet për ndryshime në buxhet.
3. Vendime për të dhënat buxhetore.
4. Vendimi për Paketën Fiskale.
5. Vendimet për Emergencat Civile.
6. Vendimet për bursat e nxënësve që studiojnë në Gjimnazet e përgjithshme, si dhe në shkolla profesionale.
7. Vendimet për titujt e nderit.
8. Vendimet për dhënie pronash në përdorim.
9. Vendimet për prioritetet e investimeve në vepra publike.

Gjatë mbledhjeve të këshillit kanë marrë pjesë mesatarisht 12 këshilltarë. Mbledhjet frekuentohen nga 80-100 % e këshilltarëve të shumtën e herëve. Nëse ka pasë ndonjë rast të mungesës së ndonjë këshilltari në mënyrë të përsëritur, arsyet kanë qenë të forta.

Gjithë dokumentacioni i projektvendimeve të shqyrtuara gjatë mbledhjeve të Këshillit është publikuar në faqen web të këshillit për tu dhënë mundësi qytetarëve të njihen me to.

Në rregjistrin online për transparencën e mbledhjeve të këshillit janë të dokumentuara të gjitha informacionet mbi mbledhjet duke filluar nga thirrja e mbledhjes, oraret e mbajtjes, videot e mbledhjes dhe procesverbalet tyre. Mbledhjet e Këshillit janë transmetuar online në facebook të Këshillit Bashkiak. Këshilli Bashkiak do të vazhdojë të transmetojë mbledhjet livestream në facebook të mundësuar nga bashkëpunimi me projektin Bashki të Forta (financuar nga Qeveria Zvicerane).

Kjo i jep Këshillit Bashkiak një pavarësi në transmetimin pandërprerje livestream të mbledhjeve dhe i krijon mundësi të jetë transparent në lidhje me të gjitha vendimet që merr dhe problemet që trajton për ti ardhur në ndihmë qytetarëve.

Kërkesat dhe ankesat e qytetarëve

Në Këshillin Bashkiak Fushë Arrëz për periudhën Janar-Dhjetor 2024 janë regjistruar

11(njëmbëdhjetë) kërkesa të gjitha të marra në konsideratë dhe trajtuar në Këshill Bashkiak. Pjesa më e madhe kërkesave ka qënë për hapje rrugësh, problematika me rendet e ujit vaditës etj. Të gjitha kërkesat dhe ankesat e qytetarëve janë të pasqyruara në regjistrin libër dhe atë online të Këshillit.

Gjatë kësaj periudhe nuk ka patur petition dhe nisma të qytetarëve të depozituara në këshill. Këshilli Bashkiak në kordinim me Bashkinë do ti japë përgjigje të gjithë shqetësimeve të qytetarëve me mundësitë që ka në dispozicion. Të gjitha kërkesat dhe ankesat janë të publikuara në regjistrin online të kërkesë-ankesave në faqen web të Këshillit Bashkiak.

Konsultimi me publikun

Këshilli Bashkiak i ka kushtuar vëmendje të veçantë dëgjësive publike për projektaktet për të cilat kërkohet nga ligji. Janë zhvilluar 9 dëgjesa publike për 4 projektakte: Plani i Integritetit të Bashkisë për 2025-2027; Plani i mbarrështimit të ekonomisë pyjore për Mzi dhe Iballe; Dhënia në përdorim e fondit kullosor/pyjor për kanalin e linjës së ujit puka në territorin e Bashkisë Fushë-Arrëz; Projektet e investimeve 2025-2027; Relacioni i PBA 2025-2027.

Në dëgjesa morën pjesë gjithsej 273 qytetarë, biznese, grupe interesi, anëtar këshilli etj. ku janë dhënë 107 rekomandime në dëgjesa publike nga të cilat, për arsye të fondeve në dispozicion, 86% u morën parasysh nga bashkia dhe pjesa tjetër ka qënë për nevoja që nuk janë kompetencë e bashkisë për zgjidhje si për shembull problematikat me instalimet e ujit të pijshëm dhe çmimin e ujit. Të gjitha informacionet për konsultimet me publikun janë të publikuara në regjistrin online për konsultimet me publikun në faqen web të Këshillit Bashkiak.

	Projekt vendimi i konsultuar me publikun	Takimet	Pjesëmarrës	Femra	Rekomandime
1	Projekt vendim Nr. 09 date 06.03.2024 " Per disa Shtesa ne vendimin Nr. 35 date 29.12.2024	1	5	-	-
2	Për dhënie në përdorim të fondit kullosor/pyjor të Bashkisë Fushë-Arrëz për kanalin e linjës së ujit në territorin e Bashkisë Fushë-Arrëz	1	15	3	-
3	Buxheti 2025 dhe Programi buxhetor afatmesëm, Projektet e investimeve 2025-2027	5	177	41	101
4	Projektvendim Miratimi i Planit të mbarrështimit të ekonomisë pyjore Iballe Mezi	1	39	5	6
5	Plani i Integritetit i Bashkisë Fushë-Arrëz për periudhën 2025-2027	1	37	22	-

Aktivitetet kryesore të Këshillit

Gjatë vitit 2024 në bashkëpunim me Projektin Bashki të Forta është realizuar një trajnim 2-ditor për këshilltarët dhe një trajnim 1-ditor për këshilltarët, Sekretaren e Këshillit Bashkiak dhe punonjësen e sekretariatit të Këshillit të bashkisë në ambientet e bibliotekës Lezhë.

Këshilli Bashkiak Fushë-Arrëz për aktivitetet e vitit 2024 kishte planifikuar të shpenzojë **6,181,000** lekë për shpërblimet e këshilltarëve dhe kryetarëve të fshatrave, për pagat e punonjësve të sekretariatit të këshillit, për kancelari, trajnime etj. Gjatë vitit 2024 janë shpenzuar **310,000** mijë Lekë. Pjesa më e madhe e buxhetit është shpenzuar për mbajtjen e dëgjësave publike për projekt akte të ndryshme, shpenzime për trajnimin e këshilltarëve në bashkëpunim me Projektin Bashki të Forta, shpenzime për kancelari dhe shpenzime të tjera për mbarrëvajtjen e aktiviteteve të Këshillit Bashkiak. Këshilli Bashkiak duhet të punojë më shumë për të realizuar aktivitetet e veta dhe të shpenzojë buxhetin e planifikuar për to.

Këshilli Bashkiak ka miratur planin e Aktiviteteve, Vendimarrjes dhe Konsultimeve për vitin 2025 të shoqëruar me një buxhet prej **13,422,000** lekë, nga të cilat 522,000 Lekë për realizimin e aktiviteteve të Këshillit Bashkiak.

Këshilli Bashkiak edhe këtë vit ka organizuar fushata advokimi në facebookun e Këshillit Bashkiak për të nxitur pjesëmarrjen e qytetarëve në vendimarrje, duke i ftuar qytetarët të bëhen pjesë aktive në dialogun me qeverisjen vendore, të përdorin instrumentet e Këshillit për zgjidhur problemet e tyre dhe për t'i kërkuar llogari apo të zgjidhin problemet e tyre nëpërmjet kërkesë/ankesave që mund të drejtojnë te Këshilli, mund të ndjekin mbledhjet online apo të marrin pjesë në dëgjësat publike për projektakte të ndryshme apo për buxhetin e Bashkisë.

SEKRETAR
Naze SELIMAJ

